



South West and Mid Wales Consortium Consortium De-orllewin a Chanolbarth Cymru

Strategaeth Gyfathrebu

Mae'r Consortium yn cydnabod pwysigrwydd cyfathrebu da ac amserol. Bydd strategaeth gyfathrebu glir a chadarn a gymhwysir yn gyson yn cefnogi gweithrediad Cynllun Gwaith Strategol Dros Dro'r Consortium. Mae'n hanfodol bod rhanddeiliaid yn ymwybodol o gynnydd tuag at gamau gweithredu ac allbynnau a bod eu lleisiau'n cael eu clywed a'u hystyried. Rhagwelir y bydd y Strategaeth Gyfathrebu'n cynnwys nifer o linynnau fel a ganlyn:

Pwy: Pawb	Sut: Bwletin y Consortium	Beth: Gwybodaeth Gyffredinol
Bydd bwletin y consortium yn cael ei gynhyrchu'n rheolaidd gan y Tîm Trefnu a Datblygu. Bydd gan hyn gynulleidfa darged eang, a bydd yn cael ei e-bostio at bob aelod o Grŵp y Cyfarwyddwyr, y Grŵp Strategol, Grŵp y Penaethiaid ac ysgolion, Grwpiau Sefydlog a Grwpiau Tasg a Gorffen, Cydlynnydd Rhanbarthol Creu'r Cysylltiadau, y Gwasanaethau Cymdeithasol a phartneriaid a rhanddeiliaid eraill. Bydd yn cynnwys gwybodaeth gyffredinol ddiweddar ynghylch cynnydd tuag at dargedau, gwaith consortium, cysylltiadau defnyddiol ac eitemau newyddion.		

Pwy: Pawb	Sut: Gwefan y Consortium	Beth: Gwybodaeth Gyffredinol
Bydd hyn yn cynnwys gwybodaeth berthnasol ddiweddar am waith y consortium sydd ar gael unrhyw bryd.		

Pwy: Aelodau Grwpiau'r Consortium	Sut: Cyfarfodydd a sianeli cyfathrebu arferol yr ALI	Beth: Gwybodaeth Gyffredinol a Phenodol
Bydd holl aelodau grwpiau'r consortium yn gweithredu fel sianel i wybodaeth lifo rhwng eu grwpiau a'r Awdurdod. Amlinellir hyn yng nghylch gorchwyl pob grŵp.		

Pwy: Y Tîm Trefnu a Datblygu	Sut: Adroddiadau, cyfarfodydd a sianeli cyfathrebu arferol	Beth: Gwybodaeth Gyffredinol a Phenodol
Bydd y tîm hwn yn hwyluso grwpiau, yn monitro ac yn adrodd ar gynnydd bob mis i Gydlynnydd y Consortium. Bydd hwyluswyr yn cysylltu â'u cyswllt â'r Grŵp Strategol. Bydd y Cydlynnydd yn adrodd ar gynnydd i'r Grŵp Strategol a Grŵp y Penaethiaid. Bydd y tîm yn gweithredu fel sianel ar gyfer rhannu gwybodaeth rhwng grwpiau'r consortium a'r Grŵp Strategol. Bydd hefyd yn sicrhau bod gwybodaeth gyffredinol yn cael ei darparu ar gyfer y gynulleidfa ehangach drwy'r bwletin a'r wefan.		

Pwy: Grŵp y Penaethiaid	Sut: Cyfarfodydd a sianeli cyfathrebu arferol	Beth: Gwybodaeth Gyffredinol a Phenodol
Bydd y grŵp hwn yn derbyn adroddiadau cynnydd gan Gydlynnydd y Consortium a swyddog cyswllt y Grŵp Strategol. Bydd yn gweithredu fel fforwm ymgynghorol ar gyfer gwaith y consortium o safbwynt ysgolion ac yn darparu cefnogaeth a her adeiladol. Bydd yn sianel gyfathrebu rhwng y Consortium ac ysgolion.		

Pwy: Grŵp Strategol	Sut: Adroddiadau, cyfarfodydd a sianeli cyfathrebu arferol	Beth: Gwybodaeth Benodol
Bydd y grŵp hwn yn derbyn adroddiadau cynnydd a gwybodaeth bob mis gan Gydlynnydd y Consortium. Bydd aelod cyswllt enwebedig y grŵp strategol hyn yn cynnal cysylltiadau agos â'r hwyluswr. Bydd aelodau'r grŵp yn gweithredu fel sianel ar gyfer rhannu gwybodaeth ynghylch gwaith y consortium rhyngddynt a'u hawdurdodau. Bydd y grŵp yn adrodd am gynnydd ac yn amlygu materion i Grŵp y Cyfarwyddwyr. Bydd yn rhoi adborth i'w maes gwasanaeth, eu Cyfarwyddwr Adranol ac Uwch Dimau Rheoli.		

Pwy: Grŵp y Cyfarwyddwyr	Sut: Adroddiadau, cyfarfodydd a sianeli cyfathrebu arferol	Beth: Penodol
Bydd cyfarwyddwyr yn derbyn adroddiadau gan y Grŵp Strategol a'r Cydlynnydd ac yn adrodd i Grŵp yr Aelodau Etholedig, y Bwrdd Rhanbarthol a'u Timau Rheoli Corfforaethol.		

Pwy: Bwrdd Rhanbarthol	Sut: Adroddiadau a chyfarfodydd	Beth: Penodol
Bydd y bwrdd hwn yn derbyn adroddiadau cynnydd gan Grŵp y Cyfarwyddwyr, y Grŵp Strategol a Chydlynnydd y Consortium yn ôl yr angen.		